

滿城縣志略



天津南馬路榮業大街

協成印刷局刊印

滿城縣志略序

縣志者縣之史也輿地之廣狹政局之推遷文化之盛衰物力之消長以及前賢往哲節母孝婦之事蹟胥於縣志乎備之故縣志雖局於一方實與國史相表裏苟非具有史事三長者未易操觚率爾也才不充則發摛不盡學不博則搜輯不宏識不精則棄取不當難矣而在今日爲尤難倒專制以共和黜官權爲民治百度維新道與時進民國二十年來其因革廢置又有不可湮沒之歷史存焉際茲新舊交替之時詳古則病今詳今則薄古今則不可病也古亦未可薄也此而欲秉筆從事戛戛乎其難哉十八年夏余奉檄來任滿城亟索舊縣志而閱之欲以知山川土俗政治措

置之得失而殘缺不完原版亦復漫滅陵亂不可摹印嗒然久之  
越月楊君東川來過談及縣志失修自清乾隆中葉迄今近二百  
年數過時可亟宜修補楊君甚韙余說也既而軍興徵索煩累終  
日鞅掌於簿書無暇他務然楊君時相過從則相與籌畫及之今  
年二月奉

省令徵集志料刻期呈送乃幸有機可乘籌款亦易遂召集各機  
關當事及城鄉紳耆謀之僉曰此事非楊君担任不可楊君蓋邃  
於舊學當選國會而又多服地方之務熟悉國家新政兼明習法  
律者也羣焉一致相推重復延聘時賢宿儒十餘人設局從事焉  
四越月藁成請余言弁首因取而讀之曰此新志也爲綱者六爲

目者四十有一綱欲其括目欲其詳因事成文以類相附不病今不薄古洵卓卓乎一縣文獻之林也顧余竊有說焉天道十年一變今人創製每每突過乎古人方當訓政建設時期民治發展與日俱新十年以後已往者皆爲陳迹吾烏知今之新志不又爲後人所唾棄耶雖然窮變則通者政之常軌因時制宜者道之大經處今日之局修今日之志如是焉而已足矣後有博雅君子續成一邦之憲典則徵文考獻生面別開當必有最新之志出焉非余之所敢逆揣也茲編縣志也楊君顧不自居顏曰志略其即此意留以有待於後賢也歟

民國二十年八月下旬滿城縣縣長香河陳寶生序



滿城縣志略序

天下之事物物成虧之數莫不有其機焉先時後時皆失之機也者隨感而應道家之所謂緣釋家之所謂因也吾滿縣志失修自清乾隆中葉迄今百八十餘年世事之推轉政局之變遷都人士可泣可歌之事蹟曷可勝道其間詎無一二賢達官紳籌思及此欲筆之而信今傳後者徒以上不督催下不力勉或以款無所出而中止焉或以在事未久而無暇焉甚哉成事之難也夫人爲一事莫患乎知其當爲而不即爲又莫患乎本不肯爲而侈言當爲二者皆自欺以欺人也雖然知其當爲矣又肯即爲矣且官紳相與籌謀而爲之矣而終不能成者何也機未至也民國十八年

夏陳公星垣來長滿城覽舊志之蕪雜殘缺年久失次慨然有志焉既而軍興疲於供應歟既維艱時亦弗給然余則深信陳公必終爲之非空言以欺人者蓋有待也今年省令各縣徵集志料區以門類限以時期爲纂修民國省志計則躍然喜曰機至矣乃召集各機關首長城鄉紳耆期爲一舉兩得之計而以編纂之責相屬余退而自念老朽無新學識殊不足發揚黨治取信時賢雖然此事固素志也老朽閒廢又幸可得老友數人分任其事此數老友者又皆閒廢家居如余之無所事事於此抒其蠡管之見相與蒐集而討論之倘亦因緣湊合而機之相感應者歟凡四閱月藁成是非得失覽者自能詳之非余之所敢知也是爲序



民國二十年八月中旬邑人楊式震書於滿城縣修志局



滿城縣志略編修姓氏

監修

滿城縣縣長陳寶生 香河

總裁

前國會衆議院議員楊式震 邑人

編纂

前參事會參事陳昌源 邑人

前縣議會議員趙繼曾 邑人

前實業局局長田汝霖 邑人

前清山東知縣張瑞昌 邑人

前清山東縣丞張國昌邑人

繪圖

前北平公安局科員趙學會邑人

採訪

縣教育局局長郝瓘邑人

縣建設局局長張鴻志邑人

縣財務局局長尹子元邑人

縣公安局局長趙椿昌平

縣兩級女子小學校校長魏金聲邑人

前縣議會議長范蔚林邑人

縣財務局文牘趙書元邑人

前教育局局長劉法嚴邑人

前省議會議員孔憲章邑人

鄉村師範學校校長李秉珣邑人

校對

縣商會會長盧鴻齡易縣

前縣議會議副議長繆硯田邑人

前清生員康丕基邑人

縣政府科長阮延藻浙紹

縣政府科長韓乃文靜海



滿城縣志略目錄

卷首

編輯大意

縣境全圖

縣境西北山圖

縣城關全圖

卷一

疆域一 沿革 位置 山脈 河流

卷二

疆域二 面積 氣候 名勝

卷三

建置一 城池 機關所在 區鄉 集市表附

卷四

建置二 交通 廟祠 古蹟 陵墓附

卷五

縣政一 機關組織 財政

卷六

縣政二 田賦 戶口 自治 教育

卷七

縣政三 實業 倉儲 養濟 金融 治安



卷八

風土一 宗教 民生 禮俗 歌謠 方言

卷九

風土二 物產

卷十

人物一 鄉賢

卷十一

人物二 孝義 隱逸

卷十二

人物三 列女

卷十三

人物四 名宦 流寓 方外

卷十四

史蹟一 金石 大事記 軼聞

卷十五

史蹟二 舊制

卷十六

史蹟三 舊制

滿城縣志略卷之首

編輯大意

一方志之書義例各殊或以門類叙分或以綱目歸納義例何常惟適而已因事制宜隨時達變膠柱貌襲二者均譏茲編括以六綱曰疆域曰建置曰縣政曰風土曰人物曰史蹟而分目以類附之但取一覽了然非泥古以爲例也

一舊志年遠失修編次陵亂不易檢閱又專制時代崇尚與今不合如星野分疆徒資聚訟封誥大典亦係私榮其他廢制汰官早經根本取消已無叙述之必要茲概從刪削其有與今制沿革相關者亦略叙及弗遺

一民國肇造在中央實爲創格清季變法以來朝令夕改舉棋不定近二十年來迄今現行法令又各有其沿革歷史均宜詳述惟自民國二年改六房爲科檔冊零落厥後科員屢易新人文卷半歸散失以故調查維艱凡所叙述多係訪聞記憶年月稍有不符閱者諒之

一田賦最爲複雜清承明制多屬因仍惟近畿五百里內圈佔民田實爲特別虐政流毒至今未已滿城官租旗圈佔有全縣三分之二留買升科已越四年尙未清理完竣所有征額僅據現時冊簿暫行編叙俟清理就緒額征確定另爲更正一古蹟物產方志家多入地理以二者地理之所資以考證也

然古蹟留遺半屬前人之建置則以附入建置爲宜物產各方不同原不盡關乎地利傳種改良必資乎人力製造原料或來自他方皆物產也昔之談物產者不過資以考究物力之息耗而已今則提倡實業與民生殊有關係故附之風土之後庶較徵實

一鄉賢名宦均屬一邦之文獻鄉賢以地傳名宦以政顯最足起人觀感者也或謂名宦不可與鄉賢並列人物是則拘於方隅之見彼流寓名賢未必有功於此邦又何以稱焉茲編凡屬前哲均入人物一門屬雜不類之譏所弗避焉

一舊志失修已百八十餘年故老傳聞難免訛謬一時採訪遺

漏必多茲編所叙人物悉據畿輔志保定府志舊縣志參互考證按次編列其有新增入者悉就各鄉長副校長人等具報審查確實有缺無濫或有遺漏俟後調查續得再行補入

一原徵志料有關隘外僑技藝著述四項本縣無關隘外僑應不叙列技藝著述雖或有一得雕刻之能數章文字之善而並無發明不成卷帙均不足與於此選鄉賢傳內或載著有某某集者多未梓行無從索讀故概置弗錄恐蹈冒濫之譏

一舊志創修不知年月所自由明迄清續修已及五次蓋亦五百年之歷史矣茲擇其中有關掌故者益以現時之採訪條分表列爲舊制篇附之卷末聊以備好古者之參考亦軼聞

類也

一 人物一門向以不列生存爲原例蓋以人未定論且遠嫌也  
惟選舉表生存之人一併列入非亂例也科舉旣廢萬無變  
易故無礙於人之生存其他仕績職官則仍按原例編載以  
已故者爲限閱者辨之

一 茲編爲應徵志料原藁稍加刪潤姑存一縣之概要名曰志  
略非敢云縣志也後有博雅君子從事纂修縣志或將於中  
取材焉是亦壤流之一助云爾





滿城縣志略卷之一

疆域一

沿革

滿城爲禹貢冀州之域戰國時屬趙昔趙簡子築北平城以拒燕是爲北平命名之始秦并六國爲上谷郡漢興六年以張蒼從征臧荼有功封北平侯置北平縣屬中山國是爲縣命名之始當時幅幘廣大畧有今易縣之南部漢書地理志云徐水出北平查徐水源出五迴山下五迴本漢北平縣故地唐開元二十三年置五迴縣於五迴東麓卽此樂氏寰宇記以五迴山繫之滿城者原其始也水經注云徐水東北屈逕郎山隋圖經云永樂郎山漢武戾

太子出奔其子遁此山因名郎山君畿輔志載郎山君碑屬之滿城蓋郎山爲今易縣之屬地永樂爲漢北平之分置而此云永樂郎山則郎山昔爲滿城之界內可知也又滿城舊志五公城爲漢北平侯王譚率子五人避莽所築今縣境無此城查五公山在五迴東五十里爲譚父子同隱處然則自五迴郎山順徐水而下均爲北平縣界也明矣惟城則不明所在考顧氏方輿紀要北平廢縣在完縣治東二十里爲張蒼封邑殊爲失考完縣漢爲曲逆縣陳平封邑故城在今完縣東南二十里子城村北平故城今爲北堡村二村相距不過數里萬無同時置兩封邑之理按北平郡爲後魏所置治北平城非漢之北平縣城也顧氏不察以爲張蒼封

邑所在失之遠矣保定志云漢故城在縣西二里眺山下庶幾近之然亦無確證又縣東北十里有古滿城遺蹟尙在舊志云水經注云徐水東南出山逕其城中畿輔志云此云城中即北平城也古滿城逼近徐水或即漢之古北平城歟然已不可考矣魏晉因之略無改革不具述

右周秦漢魏晉

典午渡江拓跋魏氏起於河北郡縣曷域時伸時縮或分或合泯禁極矣孝文太和中析置永寧按永寧不言理治所在查畿輔志沿革表清苑縣魏太和元年分新城置齊以永寧來治改曰樂鄉又寰宇記云高齊天保七年自滿城界移永寧縣理此是天保以

前其理治在滿城界內可知然當時北平縣名固未改廢不過割

縣之東境一部為永寧耳自永寧析置孝明帝孝昌中置北平郡

割中山國之蒲陰望都北平三縣屬之是為郡屬變更之始魏時

郡縣異治相去本不甚遠北平郡治即在北平縣界今故城屬之

完縣者特置域稍有出入耳興和二年分置永樂縣屬樂良郡樂

良僑置於永樂屬南營州南營州治英雄城即遂城地則永樂為

北平之北部當時或以北平西北多山遼濶鞭長莫及故設縣分

治而北平轄地雖縮縣名仍未廢也按永樂故城今不明所在顧氏方輿紀要以為在縣北五里魚條山下由今考

之情勢未合查今魚條山為西山之總名山無故城遺蹟或言眺山為北平縣治所

之轉據此則為眺山下古城亦未可知然魏時北平尚未廢縣則眺山為北平縣治所  
在此處不當再置永樂北周移永樂於故北平縣當即此地是魏置永樂別有縣治至

北齊廢北平郡而以北平縣移名蒲陰屬中山郡以魏時舊北平縣併入永樂屬昌黎郡則漢之北平自是廢北周復移永樂之名於故北平縣則魏所置之永樂亦廢綜計前後不過六十餘年郡凡兩屬縣凡三易而縣界朝置夕改無志可稽此固讀史者之憾也

右北魏齊周

隋受周禪幅員式廓河北郡縣悉入版圖滿城仍沿周名曰永樂屬上谷郡上谷今之易縣也開皇元年移南營州於此大業初改爲郡以縣屬之隋地志云有郎山而於遂城則云有龍山當時縣界其北極於郎山而東則鄰於龍山可知然視漢代之封縣則廣

狹相去遠矣舊志云隋初地多產玉改玉川郡以縣屬之釋其文義是以永樂屬玉川郡也惟隋地志無玉川郡竊意當時置郡其爲僑置永樂或別有所置均不可知舊志立說諒非無稽或旋置旋廢隋志失而不載耳唐興仍爲永樂天寶元年始改滿城蓋以縣北故滿城而名之也然舊唐書元和郡縣志均作蒲城新唐書寰宇記則改滿城當時記載不知沿譌所自歐陽氏樂氏始更正之趙氏一清據水經注蒲城立說以爲滿係蒲字之誤力詆新唐地志及寰宇記之非武斷殊甚水經注蒲城是否即今滿城姑不具論且以縣名訛舛傳說數百年無人辨之寧非異事清季滿城發見唐定遠將軍馮術墓誌有卜居河朔擇鄰滿城之語足徵唐

時確名滿城此誌爲大歷十二年十二月二十八日去天寶僅三十六年傳聞不至異詞足祛趙氏之惑矣

右隋唐

隋開皇十六年易始爲州治唐武德四年廢上谷郡復置易州屬河北道滿城改郡隸州自此始然此不過設置之異宜而縣境固無變易也自石晉以燕雲十六州賂契丹而滿城遂入遼屬遼置秦州於清苑晉出帝開運二年遣杜威符彥卿等攻秦州取滿城則滿城復爲晉屬晉徙秦州治於滿城而以舊治復名清苑周廣順二年廢秦州滿城仍爲易屬然實則顯德六年始收復易州此時不過遙屬耳此則兵戰之異勢而縣境仍無變易也蓋變易之

最巨者莫如有宋一代宋太平興國六年改保塞軍置保州而割滿城之南境入清苑爲保塞縣景德中復省滿城入保塞自是滿城之名不見於史者百九十年其時滿城北境或割入遂城或割歸易屬約之爲宋遼戰地界之所至今不可詳靖康時淪入金至金大定二十八年始析清苑復爲滿城而北境割割之地竟不可復然則滿城幅幘之縮小已不及漢初之半矣元代金興屬保定路明洪武十年廢入慶都十三年復置屬保定府清因之民國三年廢府改道隸保定道十七年廢道隸河北省

右五代宋遼金元明清民國

歷代沿革表



時代	縣	置	治	屬	統	屬
周	北平		趙國		冀州	
秦			上谷郡		冀州	
漢	北平縣 <small>高帝六年置</small>		中山國 <small>高帝置郡景帝三年改爲國</small>		冀州 <small>後漢郡國志爲冀州刺史部</small>	
魏晉	北平縣		中山國		冀州	
	永寧縣 <small>孝文帝太和初分平東部置</small>		高陽縣 <small>今高陽縣治</small>		瀛州 <small>太和十一年置今河間縣治</small>	
元魏	北平縣 <small>孝明帝孝昌中置北平郡以縣屬之</small>		北平郡 <small>孝昌中分中山置</small>		定州 <small>太祖皇始二年置安州天興三年改</small>	
	永樂縣 <small>孝靜帝興和二年分置</small>		樂良郡 <small>僑置永樂縣</small>		南營州 <small>太宗永興二年寄治英雄城即遂城</small>	
齊周	永寧縣 <small>齊天保七年廢徙清苑爲樂鄉</small>					
	永樂縣 <small>齊廢北平併入永樂周移永樂於故北平縣地</small>		昌縣黎 <small>太宗永熙二年僑置</small>		南營州	



滿城距京二千四百里距北平三百五十里在保定舊治西北四十里據最新地圖推算以北平爲零度西經一度二分北緯三十八度五十八分其縣界之毗連東至清苑縣界石二十二里東北至徐水縣白亭界三十五里孟村界三十里北至易縣南魏莊界三十里西至完縣玉山店界二十五里南至望都縣太平莊界六十五里其縣治之距離東至清苑縣治四十里東北至徐水縣治七十里北至易縣治一百二十里西至完縣治五十里南至望都縣治八十里其交通四達東南至安國縣一百四十里西南至唐縣八十里東北至定興縣一百二十里西北至紫荊關涿源縣界一百二十里

## 山脈

考滿城山脈在昔均稱屬太行山脈今則可稱屬恆山脈據舊地學家言首始河內北至幽州凡百嶺連亘十三州都爲太行山脈今按各新地學家所載太行山脈僅統括滹沱河以南諸山北則爲恆山脈恆山係管涔山東南支脈西南有五台山東南有常山滿城西界完縣再西南歷唐縣曲陽行唐則抵常山矣常山爲恆山東南支脈披圖索驥最爲確當故言滿城山脈推源當起恆山茲從縣西境章村起至北境下紫口止可分三段說明之

第一段由章村南山起章村南山即完縣玉山店北山也由南山北行爲尉公之西山再北爲武山武山高起東北截斷曰武山頭

下爲武山口口東之峯曰箭兒頭相傳由武山試箭正射此峯今樵夫牧子往往雨後拾得箭頭故名再東

繞尉公村北東至界河止界河自易縣嶺西而下爲東西流南爲完境北爲易境故名界河抵滿城石井入境東南行經永安莊東

直趨尉公北山繞山而東折而南口北之山爲篋箕掌東連雞冠嶼蜿蜒行數里復入完縣境詳河流篇

北走經牛圈石大人溝老虎洞胡蘆山再西北經石版山犁鏵尖

大青山石井西山後曠止再北則爲界河入境之處

第二段從界河入境東北岸由胳膊峪攔馬牆起胳膊峪之西北曰鳳凰山屬易縣峪底曰

攔馬牆即與易縣分界處歷小圈山再東爲塔兒山塔兒山東北有崗巒聳起者

爲奶奶山再東有平頂高峯爲月明頂南爲大羊頂小黑山東南

下行爲雞冠嶼老虎坨按雞冠嶼等名已見前土人命名多重復下仿此嶼東山勢低平再東

爲石奶奶石爺爺兩峯南北對峙峻峭聳峭狀如人立甚爲奇觀

自此分三大支一支西南行爲黃土寨懸崖削壁土石作黃色相

傳古人屯兵於此寨南爲九龍溝溝南爲龍王峪西南爲大雁頂

頂東坡有興隆寺樹木青翠寺中水池四時不絕再下山堂頂小

北山屬焉寨東爲白山坡南行歷龍背山豬嘴山石鼓山葫蘆山

再南山勢低斷爲由縣治赴石井大路再南山勢隆起作環抱形

爲抱陽山內谷溫和隆冬之時冰雪少積春夏花木蓊翳又名花

陽山爲滿城第一名勝

詳見名勝

抱陽山東北三里有山不高形如巨

舟與他山不連爲陵山山上有仙人跡曰陵山異跡滿城八景之

一此西南行一支諸山也一支東行爲白石溝沙石頂草垛山龍

門頂黃堂子篋箕掌廟兒頂石牛頂再東山勢崇峨羣峯環拱者

爲花子寨

或言碎及殘映不完之石曰埋沒於亂石叢草間殆不可詳

自此分三

小支一支寨南由蓮花山

一名打起

經燕子窩摩天領懸坡頂塔

兒頂黑石馬火盆頂黃堂嘴小東峪大東峪篋箕嶠兔兒坡

一名火石嶠

止又東孤峯突起者爲眺山山勢巍然獨立可以遠眺春和景明

望之蔚秀所謂眺山春色者也一支寨東由大肚山起歷大廟山

破甲山至大寺山

由大廟山統名至大寺

山東爲市頭村南小嶺山西北

曰馬峪溝經玉山嶺東坡至八寶嘴止一支寨東北由南騎馬北

騎馬至臥虎山止此東行一支諸山也一支東北行爲白大嶺經

楊家峽子忽有高峯插天嵐光蔚然者曰玉山

一名樹葉尖由山頂東北望形如樹葉故名俗

又名梯樹尖又名大戳尖極言其高也山多白石如玉昔人謂燕石似玉者指此清鍾滿城縣令皮殿選詩云驅車玉山下仰見浮雲白雲中樹葉尖突兀含光澤名山應鍾

靈聞產似玉石美石似玉珍求之了無獲似玉  
尚難求真玉何處索畢然望金臺長嘯加鞭策 玉山為縣境諸山主峯八景

中所謂玉峯聳翠者也再東北又分兩小支北支由三尖窪至黃

嶠止東支從槐樹峪經蛤蟆塘禿鳩峪寡拉嘴南土坡北土坡止

此東北行一支諸山也過此則為神星村南赴涑源大道

第三段從神星村東北豬河峪起南行至月明寺山嘴東轉有九

龍溝大小蚩蟬嶺長嶺短嶺坑石峪東肚西肚黃嶠窟帽兒山平

頂冠葡萄峪小東山北眺山東山嘴折而北為砣子峪再東北為

銅鑼山由銅鑼山再轉西北為老婆峪小子峪葫蘆嘴達子峪又

東北為張山口口東為滿境  
口西為易境由口內東北行山勢環抱狀若列屏者

為環山一名紫口山朝曦甫上一縷嵐光橫掛山腰即八景所謂



紫口晴嵐者也再東爲半壁山西北屬易境東北屬徐水半壁山  
東南爲燕子尖疙疸山龍王山又東南曰鳳凰山西南三里突出  
一峯曰孤山龍王山正東里餘曰玉皇山山北二里有小山本境  
山脈至此終焉

### 山脈補證

松山 畿輔志載滿城西南有松山謂山多松樹風雨撼之作笙  
簧聲查今滿城西南三里爲陵山先時亦不產松方輿紀要作  
府城西北七十里考水經注載徐水又東南流歷石門中東南  
出山逕其城中似此處有城當在今易縣境水峪以下鐘家店  
鞏莊一帶距府城正七十里或距此三里有山舊時產松而畿

輔志重修於清光緒年間仍載入滿城殆忘滿城之沿革而未  
加深考耳

尉公山 在縣西南二十里凡屬尉公附近之山如西山武山箭  
兒頭北山皆爲尉公山

石井山 在縣西二十里如石井附近大青山西山塔兒山奶奶  
山皆是而舊志載有青山寨柏樹寨查青山寨即大青山柏樹  
寨詢之村人皆不知爲何山

黃土山 舊志載在縣西十里亦名黃土寨在今縣西十五里非  
十里舊志失實

龍王峪 畿輔志載縣西北十五里今考在九龍溝下龍背山西

南大雁頂東

漫峪嶺 舊志載在縣西二十里其形長漫故名嶺上有仙人跡  
此次調查山脈自章村起至下紫口止確經實地測驗並無此  
山又從石井村西南北三部挨山詳詢村人亦皆不知其名山  
固有今昔殊名者然今無魚條山名考之山脈則確知爲距城  
五里昇賢村北之總山名謁山山脈則確知距城七里之大廟  
頂諸山勢如朝謁故名謁山今從縣西二十里外求之所謂山  
形長漫仙人足跡者竟不可得因歎舊志多因仍附會之辭無  
精確之考據也

崗頭山 在縣北十五里爲月明寺以東之山

荆山 在縣北十五里由槐樹峪起統三尖窪黃嶺秃鳩峪寡拉嘴諸山山多產荆故名

按以上各山在某村附近村人皆有俗名他處則以某村名之歷年久遠不無變更地學家仍循舊名不考今地以致古有其名今無其地按名索地疑案叢生後之君子尙當於實驗求之勿爲前書所誤也

### 河流

縣境亂山叢錯無巨流可稱大致河分三部北境徐河康河葫蘆河東境奇村河侯河南境方順河金線河白草溝河下游均匯流於清苑河茲分述如左

徐河縣城北十里名沙河亦名大册河源出廣昌南大嶺下即所謂五迴嶺也

五迴漢時隸北平爲滿城境水經注云徐水東北屈逕郎山又云

東南流歷石門山中龍門今俗名郎山去今滿城六十里石門去今滿城

三十五里彼時均屬滿城縣境故水經注云徐水逕北平縣也今

郎山石門悉爲易縣境故述滿城徐水當自石門山下豬河峪始

由豬河峪南二里至月明寺山口折而東至崗頭村南河流展寬

春冬水淺沒脛夏秋之交山洪暴發沿岸禾稼每被沖沒水落則

白沙彌望居民苦之沿岸村莊北岸自崗頭而下大册方上沿村

南宋西莊等村南宋尤逼近河岸故老相傳先時村距河里許後

因山洪北徙村爲沖去大半現今村中寺廟皆在村南是其遺蹟

南岸爲市頭村兩漁要莊馬房黃村賢台等村長約四十里兩漁黃村亦逼近河岸山洪暴漲往往冲入民宅民國十八年大水兩漁冲毀房屋百餘間亦可慮也東南至東莊店出境入徐水縣界會流曹水康河發源於易縣北趙莊經過六盤山之南石版山之北東南流抵神星村入滿城界清流如帶沿河稻田鱗錯桃杏成林景致絕佳春季學校旅行往往至此東流四里入徐河葫蘆河源出市頭村西北清流漪漪可溉田村東稻畦甚多味尤薌美池塘徧栽蓮藕葶蒲葦獲利亦豐

奇村河發源於縣城東八里一畝泉一名尙泉萬泉湧出流注一池潤畝許故名一畝泉一統志云程伊川先世居此所謂藻西莊

者也由池東出曲折南流抵奇村名奇村河北有黑風泉年久淤

塞民國十年四省經略使曹錕詢訪土人挖出南流匯歸奇村河

自奇村越北石橋有西來紅花泉注之再南至賈家莊西有申泉

乙泉申泉一名雞距泉東至響閘合流注之響閘者居民所資以蓄水灌田

者也按畿輔通志有藻西閘一名響水閘萬歷年間鄉人孫慎修造未知是否此閘無碑誌可考經賈家莊水磨閘居民蓄水

製磨麵粉日磨麥十餘石獲利甚厚又東南流抵南章出境入清苑界之蠻子營村下

流會為清河按宋史河渠志淳化四年何承矩為河北屯田制置使自保州西合雞距泉尚泉為稻田方田衡廣十里其水深五尺至三尺曰西塘泊取江

南早稻種之民賴其利今塘泊已淤不知何地查奇村西北地多沮洳居民至今尚開畦種稻或即在此

侯河發源縣之東南十八里石家莊涓涓細流其名不著南二里

老張廟又有細泉湧出與侯河合由江城鎮南而東流至郎家莊

十三里出境入清苑界匯流白草溝河

方順河在縣城南五十里曲逆蒲河之委也蒲河源出完縣石碾

山逕白司城安陽義山南蒲村北蒲村子城村與曲逆正

河合曲逆河源出完縣伊祁山下五龍泉一統志所謂五雲泉也

逕源頭村東西吒口陳侯朝陽魏村抵廣利河口又東逕堯城社

屯頭高庾子城等村與蒲河合二流合併由南固店西南二里入

滿城境爲方順河東流分爲二支乾隆十年建閘其上北爲滙通

閘南爲金線閘中則總名雞心閘爲方順河分流處

按今三閘均圯壤金線河月牙

河已淤塞無水即方順橋下亦乾涸無水惟夏月有之自閘而南者爲金線河閘西上游開一減河

名月牙河逕方順橋村西東南流至苟各莊仍與金線河合又八



里至河圖村東入清苑縣界由郝莊魏莊南大冉等村過西石橋東石橋至梁河橋西由蓮花橋閘下入清河自閘而北者爲白草溝河由太平莊陘陽驛湯村鋪郭村至東閻童經縣二十五里入清苑境過清苑之大汲小汲三里鋪會流滿城之侯河至保定南關與奇村河會爲清河

淦水舊志所稱淦水伏流者在縣西十五里源於易縣大青開山其蜿蜒東流爲易完分界處亦曰界河抵土門東南入滿城境越石井又東南至淦河村伏流至縣東八里湧出爲一畝泉水經注所云泉頭水也由淦河村東南過尉公又南至章村復入完縣界經玉山西店南至韓童入蒲河亂石磕磕名乾河套惟秋夏山洪

發時有水

下按水魚經條山下無出水北疑魚西南或即渝山水同發音其

滿城縣志略卷之二

疆域二

面積

滿城全境西北多山羣峯迴繞與完縣易縣分界率以山爲標準無界石可據東南與清苑接壤地勢平坦自北而南形漸削減西南南界完縣亦係平坦兩縣彼此出入多插花地據舊時地圖北寬南狹北部極寬處約五十里中腰狹處約二十五里南端極狹處約五里形如掌狀葉南北通計八十里舊圖製於清季已歷三十餘年初爲勸學所辦學繪製當時本無切實測量故推算面積多係約計之數沿訛襲謬在所不免今實地勘繪山脈河流始知其

誤茲據勘驗所得全縣地輿可分三部北部東西寬四十八里中部東西寬二十一里南部東西寬六里南北共長七十五里截長補短全境面積共一千八百七十五方里

### 氣候

滿城氣候通年以華氏寒燠計計之春秋兩季平均在六十度上下夏季最高至一百零五度冬季最低至二十二度境內無氣象臺據建設局調查最近地保定農場報告春霜期約在三月初旬秋霜期約在十月初旬雪初期約在一月中旬旬地凍期約在十月下旬解凍期約在三月中旬旬又據攝氏計計之五六月地面溫最高約至五十六度二三月地面溫最低約至一十八度小數五七

八月地內溫最高約至二十六度小數四一二月地內溫最低約至三度小數八十一月氣壓最高約至氣壓計七百八十小數七零六月氣壓最低約至氣壓計七百三十九小數三零六七八月雨澤最富冬春之季旱乾多風雨從西北高原多雹災雨從東南濱海多淫霖

### 名勝

抱陽山在縣西十里山懷南面中谷溫和雖隆冬沍寒而冰雪不積故名抱陽花本蒨翳亦名花陽有石洞數十處每洞皆可容數十人而石壁石門石床真天造地設冬夏皆可居唐張燕公說曾讀書於此山之半有寺隋時寶教院也唐張說增修曰聖教寺後

殿有玉佛一高丈餘侍者二高六七尺亦張說造殿旁有巖谿訝玲瓏巖下有池水滴自石中曰乳泉石乳垂數尺水四時不竭世傳以爲二青龍潭寺左有抱陽南軒亦燕公讀書處又有繼志庵宋邢仲良父子卒業於此寺右有巖高數十丈巖半有石匣內可容數十人攀蘿捫葛始能到相傳昔人曾避兵於此有六朝人筆跡西峯最高處有臥牛石望之宛然真也寺外迤北有石廊百步曰百步廊廊下有石平如砥約一畝餘曰一畝石廊之右有明珠窩凹滑瑩澤有托山樹自石隙出虬蒼奇古千歲前物也上有巖厂長數十尺有石磴數十級曰上天梯上通華嚴庵庵內花木叢鬱凌冬不凋寺之下有磴道七盤亦張說修屈曲迴盤始達於寺

風景奇雅爲一邑最故中外人士往往避暑於此山之東麓有泉曰乳燕泉水尤暢旺下可灌園畦有村人於此種花果每當秋夏之交果實累累香甜可口山陰東北麓有龍角洞俗呼爲牛角洞水淙淙流出冬夏不竭洞前有至喜亭建於康熙年間今廢洞上有朝陽庵古柏蒼翠杙枒蔽天夏日堪納涼品茗亦一邑之勝也抱陽南軒即燕公讀書處元學士劉因詩陰壁下寒泉陽岸隱深洞想像張幽州當年此絃誦遐情納方寸灑露警宵夢既有真積功豈無致時用不能起絕學猶當垂後統濟濟唐開元儒臣相伯仲文雖數燕許名不並姚宋遂令百世下煙霞抱餘痛尋幽縱步貪懷古清歌送緬想白鹿翁眼中見連棟茲山有道

氣會遇或天縱聊以永今朝白雲不可種又題龍潭詩盤磴脫

交蔭平壇得高岑高岑不可攀哀湍激幽音窮源豈不得爽氣

來駸駸靈潤發山谷沮洳下崖陰爲問石上苔妙理誰曾尋乾

坤有乾溢此水無古今下有靈物棲倒影毛髮森東州旱連歲

呼龍動雲林顧此百尺潭豈無三日霖爲霖此雖能鞭策由天

心日暮碧蒼合空山深復深大青小青歌抱陽山頭一巖厂青

雲作門常不掩樹連重碧晝陰陰草茁芳菲春冉冉塵空好結

幽人居地勝那容麋鹿占石上潺潺一線痕開雲定是雷公斂

懸崖玉乳湛寒清一鏡馳光天濼濼當時神物此蜿蜒天教早

歲三靈降唐以來千百年興雲致雨年常贍錫封列爵聯上



公食報論功未云僭青山萬古頭不白公去公來定何日但看  
修尾鑄青銅結綠一雙三四尺神物由來如日月自有陰陽作  
精魄又似王喬與赤松呼吸元和滿胸臆我公應復似天神尙  
未忍飢思飽食鳥雀簷前不敢過水底常防脫飛翼還見茫茫  
逐野僧酒食淋漓飫枯腊恰似飢蛟出海來滿口饒涎欲何極  
作詩相誦公勿嗔公去何時能返國莫教蝌蚪作蛟龍題詩重  
致韓公惜又登抱陽山詩下瞰懸崖老木稠輕風毛髮散涼秋  
蒼苔白石夢初覺霽月疏雲山欲流又題明珠窩詩珠從何處  
來秀與天地生涵蓋幾千古得此風露聲

元學士郝經題抱陽山詩孱顏蒼玉抱幽村突兀雙龍窟宅尊

回首萬山東盡處冷烟平遠半乾坤

明汪滋

歙縣人

遊抱陽山詩石瀑泉飛白空堂草鬪青塵心應淨

洗世夢始驚醒據勝多名迹陵高恍畫屏題詩償舊約聊爾慰

山靈

明御史丁楷

邑人

遊抱陽山詩狼山諸峯連太行長蛟老鳳爭飛

翔芙蓉當空玉色蒼瑞孕秀麗文章昌一山傍出名抱陽靈氣

發洩天地光瓊崖倒滴雲液涼海濤春雨波浪浪青蛇變幻風

雷藏神物鎮奠妥洪龐石洞連絡如困倉天造地設非尋常石

扉曉開雲滿牀六月毛骨森嚴霜燕公當年開講堂諸生杖履

環門墻探索墳典窮羲皇篝燈夜午披縑緗文焰上燭台星芒

振衣起去登廟廊山殿至今留墨裝開元天子崇俊良戮力共  
聚中流航芝蘭胡不同薰香心曲杓鑿終難商姚公妙算何可  
當譏評從此多傳揚山靈遺恨應未忘可憐泉石無輝光講堂  
湮沒秋草長殘碑斑駁苔痕荒我來弔古懷感傷寒雲短日空  
蒼茫舉目欲極全燕疆山河百戰俱淪亡無端落木攪我腸故  
人相對各書長須臾暝黑歸下房驚風吹雨沾征裳明都御史  
韓文遊抱陽山詩抱陽一上豁雙眸絕頂山房見石洲鳥去鳥  
來消歲月花開花謝卜春秋種槐堂古深苔蘚折桂岩高近斗  
牛林下偶逢樵子話麻衣錯認是留侯又重登抱陽山二首謝  
事歸來到此山舊詩題處混苔斑泉分燕尾流清潤雨過龍腰

到翠鬢數著殘棋明月上一聲啼鳥密林間巖前踏碎松花影  
知是幽人採藥還抱陽山景勝羣山中有幽人竟日閉石洞陰  
陰泉自滴柴門寂寂晝常關紅圍老圃桃千樹綠繞孤村水一  
灣少憩松林盤石上羨他倦鳥自知還

邵嗣堯

直隸守道  
河東人

龍角洞詩康熙二十八年歲在己巳偕湯毅齋

寅翁來遊山木如焚

時久  
雨不

望西却步又三年重來秋禾蔽野賦以

誌喜山腰多怪石樹杪一亭浮草色青黃間泉聲斷續流晨煙  
橫北屋晚穫蓋平疇風雨今年足觀農快此遊

張煥

會稽  
人

百步廊詩山骨何年劈作廊鬼工直欲逼阿房白雲歸

壑秋含雨明月窺巖晚帶霜蝕徧莓苔鐫字綠滴穿藻井乳泉

香尋僧未倦春遊步清磬低徊倚夕陽

明郡守閻溥憩張說讀書洞詩鎮日迷塵俗公餘訪抱陽盤旋  
勞未覺瞻眺喜先狂潭靜千尋碧林深五月涼讀書石室在世

代慨隋唐

清李符青邑尹合浦人遊抱陽山詩朝飲一畝泉暮坐一畝石公餘臨

眺興未酣又向花陽試遊屐緣藤七折上層臺石磴巉巖待扶  
掖古洞數十作山房破剝幾椽留斷碣奮足遍繞百步廊招手  
更上千尋壁洞口日射明珠窩松稍風掃讀書室就中奇絕穴  
中潭冷然終古滴寒碧振衣絕頂豁雙眸三輔風光如咫尺遙  
村煙樹一髮青平疇麥浪千頃白回首雲霄尺五天飛鳥愧乏

王喬烏林鳥還時我欲歸羽書促去陞陽驛又龍潭詩何人手  
鑿石室漏萬古清泉滴不乾洞口陰雲長欲雨潭中疑有老龍  
蟠又華嚴庵詩峭壁聳千仞華嚴最上頭石泉僧自汲雲洞鹿  
爭遊氣暖山無雪天寒樹未秋茆庵真得地我欲此淹留

清舉人陳之炳人邑抱陽山雜詠歷盡九折坂磐石平如砥世路

太崎嶇坦平賴有此石一畝拔地倚天材壓此危巖底努力自撐持

騰身對天陞樹托山古有謫仙人一咳落珠玉唾向碧巉巖孕珠大

盈掬窩藏珠法界到華嚴無上第一義遊山至此間風景又有異巖華

寺龍威古丈人潛修來此洞誰探宛委書山雲爲迎送洞出巖山壘

漏神瀆能解相如渴何必乞金莖銅盤聳天末塘滴水燕公大手筆

乃從讀書起古人不可見書堂有遺址讀書堂善繼復善述遺庵湮

夕照剔蘚讀殘碑臨風一憑弔繼志庵峭壁立千尺題名多鉅公隋

唐人不見猶有宋元豐觀北宋人題名天不可階升到此自分曉振衣立

千仞萬象頓覺小上天梯自矜腰脚健獨上翠峯巔恨少驚人句攜

來一問天登抱陽絕頂斷無學士不攻書試看燕公勵志初手筆固應

雄一代胸羅直欲富三餘想當黃閣調元後獨向青山閉戶居

我亦埋頭窗下者願從堂外結茅廬張燕公讀書堂

縣長陳中嶽字誦洛紹興人遊抱陽山雜題論石不喜平此獨平可喜夜

半月明來一片似秋水石一畝鬼斧劈何年修廊萃靈怪得得自扶

筇迴風吹衣帶廊百步非不貴讀書讀書貴能用惜哉張燕公相業

殊姚宋

燕公讀  
書處

仙人擲明珠落向碧崖上何必更探驪詩成已絕

唱明珠

獨上上天梯一級窮一勝却笑終南山別有梯榮徑上天梯危

巖一何危獨樹仰而托亂世有英雄定具匡時畧托山樹滴水宵成

塘日月不相照何處聞鳴琴無絃彌入妙滴水塘我願化爲雲龍乎

孰東野莫笑洞中蟠終當澤天下

出雲洞

一畝泉在縣東八里泉水湧出關畝許名一畝泉一名尙泉宋程

伊川先世居此所謂藻西莊者也地多沮洳稻田繡錯可數百畝

泉正北有龍母宮建築壯麗前有曲徑廻廊南有沛然亭亭建水

上可以臥遊可以垂釣可以讌集可以觴詠繞宮細流涓涓不絕

均滙注於前泉泉固築堤障以短垣又南有宸翰亭清康熙御筆



在焉泉外有石橋七西北有三角泉居民掘濠栽荷依堤種柳紅  
綠掩映水波澄漪景之幽雅莫與倫比每當春夏之交學校旅行  
多往來聚集於此西南二里許有雞距泉泉水噴出狀如雞距因  
以名焉又有紅花申泉乙泉而申泉較巨均會流於一畝泉下游  
入清苑河

任璣

直隸  
守道

一畝泉記蓋聞泉必有源流斯不竭房陵之粉水猶香

鳥鼠之玉漿彌冽五峯瀑布曾看匡頂之奇八派飛甘舊說靈  
池之瑞江左則中冷獨絕濟南則趵突偏稱他若築以爲宮甃  
而置井仙客有藏丹之地遺宮有賜浴之池類不勝書數難更  
僕若乃滿地之一畝泉者出郊八里遙滋潘縣之花流韻千秋

宛聽宓琴之奏滙一區而漾碧即是鷗沙傾萬斛以成珠不同  
鮫室其來久矣自昔爲然然而鈎錮潭荒搜抉必須子厚石鍾  
山古表章實待長公大尹湯君此都茂宰政寬而理千頭盡泳  
於恩波訟簡而明百怪難逃乎犀照爰從聽政勤民之暇別作  
探幽選勝之場葺屋三間栽蓮九品紅香深處飛來錦上鴛鴦  
綠雨濃時染就溪邊楊柳君子之飲清若此知者之樂水何如  
方今浩蕩皇仁無一夫之不被汪洋帝澤眞萬物之均沾公於  
斯時尤宜努力擴河海包容之量辨人才清濁之源豈徒涓滴  
以流恩一方借潤行挾風雷而布澤四國爲霖湯君名愛鼎字  
敬齋江南巢縣人與予善是爲記

張煥會稽人一畝泉宸翰亭記今上御極之四十一年春二月駕幸

五台山駐驛滿城越宿而發時知縣臣李玉堂辦理行宮上念  
扈從諸臣奔走勞勩特賜御書以示優獎玉堂與焉其書臨故  
元臣趙子昂律詩玉堂用鑄於石樹之縣境一畝泉南作亭其  
上榮君賜垂久遠也迨玉堂陞任亭爲大風所飄牆屋僅有存  
者康熙四十三年夏六月臣煥奉命來宰是邑遍閱境土至其  
地甫得稽拜而仰瞻焉竊觀我皇上書法高越前古垂範千秋  
非獨爲一邑之榮施也敢不敬寶護而宣揚之於是捐俸鳩工  
修理整飭榱桷如故丹堊一新臣煥稽首頓首而恭頌之曰宸  
翰亭猗歟隆哉自古人君撫有方宇興道致治未有如我皇上

盛德大業久道化成被聲教於海滋山陬浹愛養於百年必世者也而民物太和萬幾清晏以討論微言之暇爲揮洒翰墨之娛玉畫金鈎龍飛鳳舞舉凡晉唐宋元名賢書跡無不入其奧而集其成煌煌乎一代之科律矣近自左右臣工遠訖邊隅荒徼得與一章一幅之賜皆已珍爲拱壁藉以光榮惟吾滿蓀爾之區近在三輔比歲以來法駕頻臨被蒙恩澤較渥他方父老子弟旣得親炙聖天子儀容更獲仰瞻宸翰歡欣愛戴莫不尊親康熙四十九年春二月皇上幸五台山復於滿城駐驛臣煥祇承撫臣夙戒竭蹶趨踰竊從服御供奉叩迎跪送之下得以瞻就雲日想企輝光幸蒙聖心愉悅特於行宮賜生員彭昌齡

白金二十兩臣煥實與有光寵焉茲且仰望宸翰其亭翼然儼對天顏不違咫尺此固臣玉堂與闔邑人民之所榮而尤臣煥敬愛之思所由慰也豈徒以增山川之勝事爲都邑之巨觀已哉爰稽首頓首而爲之記

元學士劉因奇村道中詩

在一畝泉傍

此日西塘路乘閑作勝遊深深

柳成巷脈脈稻分溝白石常含雨黃花不受秋移居新有意試就野人謀

明王溥

完縣尹

題一畝泉詩千古廉泉與惠泉一茶風味世爭傳

何如一畝涵天澤灌足花封萬頃田

張燧

丙辰進士邑人

訪友藻西莊詩帝德懋日新景福自天受薄海雨露

均比年慶大有香杭徧藻西縱橫萬千畝  
或或燦雲霞芃芃絕  
稂莠柳枝時禽啼荷葉露珠走青菰  
長短浮紫燕差池偶野老  
興能多乘閒訪故友食我脫粟飯  
飲我梨花酒酩酊扶月歸樂  
哉羲皇叟當年含鼓人亦如今日否

魏一鰲一畝泉詩蒼茫一曲隱仙源  
野曠惟聞鳥雀喧斧鑿何  
年開石髓珠璣萬斛湧雲根稻畦  
流水秋風咽柳岸人家煙雨  
昏當日靜修居欲卜推敲驢背  
羨花村

張世賢

戊子副榜  
山陰人

雞距泉

詩

在一畝  
泉西南

泉亦多名似奇哉雞距形不煩

金作甲頗愛水能靈恍惚挈明月  
參差攫綠萍假如真飲啄可

許點蜻蜓

賈永宗雞距泉詩數竇分流雞距同命名深服昔人工秋來灌  
得如雲稻長使吾民慶屢豐又勸農一畝泉詩載旆歷西郊嬉  
遊羨草茅泉澄風皺穀麥秀雨緘苞問夜頻勞駕勤民遠致庖  
樂歸賡夏諺一字一推敲又其二盛世生成遂良農樂倍真見  
聞無趙孟欣戚共朱陳有面惟天仰凡謀倚歲伸穉苗今現茂  
預喜甕盈春又初夏一畝泉勸農詩時維孟夏氣清和一畝泉  
中滿綠荷陣陣煖風翻麥浪聲聲黃鳥雜秧歌柳陰餉婦爭鋪  
席隴上耕夫正解簑見說官亭行勸勞負鋤齊擁馬頭過又題  
一畝泉詩源泉稱一畝萬壑待充盈潤澤同甘澍空濛接太清  
綠深官柳蔭黛染遠山橫匡坐觀魚躍襟懷了俗情

明孫慎藻西莊雨後吟野外溪多雨沙堤竟滑泥稻畦分水細  
麥浪掩風齊白水兼天遠孤雲覆舍低扶人通小徑負杖越長  
溪非故關農務多因厭馬蹄林潛仍帶病野望遠猶迷宦海深  
難入官階不可梯畏人成小隱守分得幽棲開口看魚上檐前  
聽鳥啼流泉雞距北落日玉山西門柳深陰合村田野色淒危  
橋傍缺岸深澗遠虹霓隨遇恣登涉流連任品題鸞鷗原水宿  
覺鹿自山栖蝶逐嬌花舞馬尋芳草嘶浮生知止足物理識端  
倪蕭條門似閉寂寞酒堪攜清佳日灑落不愧武陵溪

王胤藻西莊詩漠漠平田水一方離離秋稻滿廻塘千畦雨合  
長川碧五里風連遠岸香落杵定先霜果熟翻匙應配露葵嘗



年來種秫愁無地好買溪雲作醉鄉

清李符青一畝泉詩暮春天氣半陰晴飲馬名泉水自清菱鏡  
一奩開隱隱稻田千頃對盈盈流歸滄海懸天落源溯淪河伏  
地行勝蹟我來臨眺久小橋楊柳聽鶯聲



